

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx,xx.xxx 2016-meersoq.
(Aningaasaqarnermut Aatsitassanullu Naalakkersuisoq)

Akissuteqaat

(Aningaasaqarnermut Aatsitassanullu Naalakkersuisoq)

Pingajussaaneerpeqarnera

Pingajussaaneerinninnermi Naalakkersuisut inatsisissatut siunnersuummut allannguutissatut siunnersuuteqarput. Aningaasaqarnermut Akileraartarnermullu Ataatsimiititaliap kissaataa malillugu tamanna pivoq.

Siunnersuutip aappassaaneerpeqarneranut atatillugu Ataatsimiititaliap isumaliutissiissumminni maluginiarpa, Naalakkersuisut naatsorsuuserinnermi assersuusianaanni ersertoq, inatsisissatut siunnersuut soraarnerussutisiassanut katersisunut ataasiakkaanut sunnuteqanngikkuni pitsaasumik sunnuteqassasoq. Ataatsimiititalialli aamma maluginiarpa, naatsorsuuserinnermi siunnersuutit isiginiarneranni siunissami akileraartarnerup annertussusaa soraarnerussutisiassallu annertussusaat ilisimaneqarsinnaannginnerat nangaassutaasoq. Taamaattumik ataatsimiititaliap kissaatigisimavaa, ikaarsaarnermi aqqissummik siunnersuuteqartoqarnissaa. Tassanilu soraarnerussutisiassanik sipaaruteqartunut atukkat ullumikkut inatsisaasut tunngavigalugit atukkanut ajorseriarsinnaanerannut ataatsimiititaliap qularutaat sillimaffigineqassallutik.

Allannguutissatut siunnersuut killilimmik piffissalikkamik ikaarsaarnermi aqqissutissamik imaqarpoq, siunertarivaalu nunani allani soraarnerussutisiassanik aqqissuussinernik atuisunut taarsiiuteqarnissaq.

Taama oqaaseqarlutik Naalakkersuisut inatsisissatut siunnersuutit saqqummiussaq allannguutissatut siunnersuut saqqummiussaq ilanngullugu akuerineqarnissaat innersuussutigaat.